



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

ISIZULU ULIMI LWASEKHAYA (HL)

IPHEPHA LOKUQALA (P1)

UNHLABA/UNHLANGULANA 2024

AMAMAKI: 70

ISIKHATHI: Amahora ama-2



Leli phepha linamakhasi ayi-14.

IMIYALELO KANYE NOLWAZI KWABAHLOLWAYO

1. Leli phepha lehlukaniswe IZIQEPHU EZINTATHU:

ISIQEPHU A: Isivivinyo sokuqondisisa (30)

ISIQEPHU B: Ukufingqa (10)

ISIQEPHU C: Izakhiwo nezimiso zokusetshenziswa kolimi (30)

2. Phendula YONKE imibuzo ekuleli phepha.
3. Qalisa ISIQEPHU NGASINYE ekhasini ELISHA.
4. Hlukanisa ngokudwebela emuva kwesiqephu.
5. Faka izinombolo njengoba zisetshenzisiwe ephepheni.
6. Yeqa umugqa emuva kombuzo ngamunye.
7. Qaphela isipelingi kanye nokwakhiwa kwemisho.
8. Ungasebenzisa isikhathi sokubhala ngale ndlela elandelayo:
- ISIQEPHU A: Imizuzu engama-50
ISIQEPHU B: Imizuzu engama-30
ISIQEPHU C: Imizuzu engama-40
9. Bhala ngobunono futhi kubonakale.



ISIQEPHU A: ISIVIVINYO SOKUQONDISISA


UMBUZO 1: UKUFUNDELA UKUQONDISISA

- 1.1 Fundisa UMBHALO A ubuye ubukisise NOMBHALO B ongezansi bese uphendula imibuzo elandelayo.

UMBHALO A (OFUNDWAYO)

UKUZITHANDA

- 1 Ukuzithanda kungachazwa ngezindlela ezehlukahlukene cishe kungaze kushone ilanga lowo nalowo esika elijikayo. Kuyinhlanganisela yezindlela ezahlukene zokuziphatha. Okugqanyiswa kakhulu ukuzihlonipha, ukuzethemba kanye nokuzinakekela. Lokhu kungayisusa impikiswano engenza kucace ukuthi abantu abayi 5 nganxanye bengemanzi. Kuleyo mpikiswano kuningi okungafundwa ngabantu.
- 2 Unyaka nonyaka kufanele uthole okusha ozokwenza ukuze ubukeke umuhle. Ungazivocavoca, ungadla ukudla okunempilo, ungagqoka nezingubo ezifanela umzimba wakho. Sekukaningi abantu becabanga ukuthi ukuzithanda kusho ukugqoka uconse, uziqhole ngamakha emali 10 eshisiwe nokuzicwala ngokweqile. Kuyiqiniso elimsulwa lokho okushiwoyo ngokubukeka kahle kodwa kuyingxenye encane yalokho okuyiqiniso nokulindeleke kumuntu. Kulula ukukhohlisa abantu abangakwazi, uzenze ubukeke umuhle bese bekubona ukuthi 15 uyazithanda kanti basithwe yisithupha. Indlela yokuziphatha iyona eshoyo ukuthi lo muntu uyazithanda noma cha.
- 3 Kuyaye kwenzeke-ke umuntu athi ebukeka emuhle avele akhulume amazwi amabi noma aqhulule inhlamba. Uye ubone ukuthi ayihlabi ngakumisa. Kujabhisa kakhulu ukuzwa inhlamba indiza emoyeni noma 20 uyibone ibhaliwe ezindongweni zomphakathi. Ukuzithanda kusho ukungayithuki inhlamba ngisho noma ngabe ugane unwabu. Ukuhleba nokusongela abantu kungolunye uphawu lokungazithandi. Akusoze nje kwashintsha ukuthi ingwe idla ngamabala. Lowo ozithandayo ngeke acekele amagama abanye abantu phansi ngoba uyakuqonda ukuthi 25 umuntu unesithunzi azalwa naso. Abangenamahloni okuqondisa izigwegwe bakubeka kucace ukuthi kufanele uthathe insipho bese ugeza umlomo wakho ukuze ugcine sewuhlanze yonke le ndawo okudlule kuyona lawo magama alumelayo owaphimisile. La magama enza kuphele ukuhlonipheka kulowo owaphimisayo. Kusuke kuqedwe 30 nguyena ngakho belu ukungazithandi.



- 4 Insizwa iyayishela intombi ngezindlela ezehlukene. Isebenzisa ulimi olukhethekile bese igcina isinogazi. Isuke iveza ubugagu obugqamisa ukuthi iyazithanda. Uma izithanda, nayo le ntokazi eshelwayo iye ibone ukuthi leli geza le nsizwa elizibikayo lizokwazi ukuyithanda ngeqiniso. 35
- Ebudlelwaneni bothando lwababili, ukukhulumisana nokuphathana kahle kububeka obala ubudlelwano babantu ukuthi bukuliphi izinga. Uma bobabili bezithanda, abazithi vu izindaba zabo. Akufuneki lokhu ngisho nje nasemndenini ukuba wena ukhulume izindaba zonke nezingamahlazo zomndenini wakho. Kube nguwe ohlezi wazisa 40
- umphakathi ngokwenzekile ngisho nasezinkundleni zokuxhumana imbala. Lokhu kusho ukungazithandi ngoba umndenini wakho unguwena uqobo. Inkulumo engelona iqiniso iyakhombisa ukuthi umnikazi wayo akanandaba ngoba uma ebanjwa, uswela ngisho umgodi wokucasha.
- 5 Abangani obakhethayo bangalinyusa noma balehlise izinga lokuzithanda kwakho. Lokhu bangakukhombisa ngokwenza izinto ezinhle njengokufunda, ukusiza emphakathini, ukunakekela abantu abasafufusa ezintweni ezahlukene nokuhlonipha abantu abadala. Ukuzithanda kwabo kungakapakela nakuwena uma ungumngani wabo ngoba nisuke nikhuluma ulimi olulodwa. Kwesinye isikhathi abangani bangakufaka umoya wokungathandwa ngenxa yezenzo ezimbi njengokudla izidakamizwa, ukungalaleli abazali, nokungahloniphi umphakathi. Kuhle ukuba umuntu aqaphele uma esekhetha abangani ukuze bangalehlisi izinga lakhe lokuzithanda. 45
- 6 Ukuzithanda komuntu akunabulili, nabuhlanga naminyaka. Lokhu kumenza angakhathazeki uma egxekwa ngabantu ngoba usuke ekuqonda ukuthi ungubani futhi uphokophelephi. Izenzo zakhe ezinhle zimenza angazingabazi kukho konke akwenzayo. Umuntu ozithandayo usuke ekwazi ukubabona abantu abamgxeka ngokwakhayo. Ngakho-ke uye azithathe izeluleko zabo bese uyabonga ukuthi labo bantu bakhombisa ukumthanda ngoba bamtshela emehlweni uma ephuma eceleni njengojosaka kunokuba bamhlebe. 55
- 7 Abanye abantu abanalo ulwazi lokuthi umuntu ozithandayo uyakujabulela ukuzihlalela yedwa, hhayi ngoba **eyinkomo edla yodwa**. Usuke efuna ukwenza lokho akukhonzile okungaba ukufunda izincwadi noma lokho anekhono lakho njengokupheka noma ukudweba izithombe nokunye ngaphandle kokuphazanyiswa. Akulula ukuqonda lolo hlobo lwabantu. Kusuke kuwukuphumuza umqondo futhi kuvuselele nomzimba odinga ukuthandwa nawo ukuze umthwale kahle umnikazi wawo. Kuye kube khona abantu abakhombisa ukuzithanda ngokuzithengela izipho. Umuntu umuzwa ethi, 'Ngithe nje ake ngizibonge noma ngizijabulise ngalesi siph.' Lezi zipho ziqala kwezincane zize zifinyelele kwezinkulu ezinjengezimoto, indlu entsha nokuvakashela kude. 65

8 Kubalulekile ukuba kugqugquzelwe ukuzithanda ezweni. Lokhu 75
kungasindisa nesizukulwane kuzinswelaboya ezingenanembeza
ezenza izinto ezimbi ziphindelela, zingakhethi bala lamuntu. Isizwe
esizithandayo futhi esaziyo ukuthi kuhlonishwana kabili sivamisile
ukuphumelela.

[Umbhalo wokuziqambela]

KANYE NO

Bukisisa lezi zithombe ezingezansi bese uphendula imibuzo elandelayo.

UMBHALO B (OBUKWAYO)

1



2



3



4



[Zithathwe ku-www.bing.com/images zabuye zahlelwa kabusha]

IMIBUZO YOMBHALO A (OFUNDWAYO)

- 1.1 Tomula isimo sokukhuluma esichaza ukuthi abantu abasoze bavumelana ngaso sonke isikhathi. Bhekisa impendula yakho esigabeni soku-1. (1)
- 1.2 Yiziphi izinto EZIMBILI ongazenza ukuze uhlale ubukeka umuhle? Bhekisa impendulo yakho esigabeni sesi-2. (2)
- 1.3 Nikeza okungumehluko okushiwo isigaba sesi-3 kanye nesigaba sesi-4 mayelana nokusetshenzisiwa kolimi. (3)
- 1.4 Chaza kafushane isizathu esingenza ukuba abantu abathandanayo bahlale ngokuzwana. Bhekisa esigabeni sesi-4. (2)
- 1.5 Khetha impendulo engashayi emhlolweni emayelana nokuzithanda kulezi ezilandelayo:
- A Incwasimende
B Igokama
C Idlabha
D Igeza (1)
- 1.6 Ngabe iyini inhloso yombhali yokubhala lesi siqephu? Sekela ngamaphuzu amathathu. (3)
- 1.7 Chaza ukuthi umuntu oyisoka angabonakala ngaziphi izindlela ukuthi uyazithanda. (2)
- 1.8 Ucabanga ukuthi abangani bangalehlisa kanjani izinga lokuzithanda? Sekela impendulo yakho. (2)
- 1.9 Ngokwakho ukubona ngabe umbhali uqondeni ngamazwi abhalwe ngokugqamile atholakala esigabeni sesi-7. (2)
- 1.10 Ake uncome indlela aphethe ngayo umbhali ubhekise ekusetshenzisweni kwesimo sokukhuluma esidwetshelwe esigabeni sesi-8. (2)

KANYE NO

IMIBUZO YOMBHALO B (OBUKWAYO)

- 1.11 Shono ukuthi yini eyenzeka esithombeni soku-1. (2)
- 1.12 Chaza kafushane ngokwenzeka esithombeni sesi-2 kanye nesesi-3. (2)
- 1.13 Qhathanisa okufanayo okutholakala EMIBHALWENI A isigaba sesi-5 ukuyamanise nokufunde EMIBHALWENI B isithombeni sesi-4. (4)
- 1.14 Ngabe isenzo sowesifazane esitholakala esithombeni sesi-4 samukelekile yini? Sekela impendulo yakho. (2)

AMAMAKI ESIQEPHU A: 30

ISIQEPHU B: UKUFINGQA

UMBUZO 2: UKUFINGQA ISIQESHANA NGAMAGAMA AKHO

Lesi siqeshana esilandelayo (UMBHALO C) simayelana nokulungiselela ukucima kukagesi.

IMIYALELO:

1. Fingqa lesi siqeshana esimayelana nokulungiselela ukucima kukagesi usebenzise amagama akho angedluli kwangama-70.
2. Fingqa **ngesigaba KUPHELA**.
3. Ungabe usasibhala isihloko uma usufingqa lesi siqeshana.
4. Bhala inani lamagama owasebenzisile ekugcineni kwesiqeshana osifingqile.

UMBHALO C

UKULUNGISELELA UKUCIMA KUKAGESI

Sekuyinto evamile eNingizimu Afrika ukuhamba kukagesi kungazelele muntu. Yize kunjalo sezikhona izindlela ongazisebenzisa ukulungiselela lesi simo. Sekuhlalukile ukuthi inkinga yokucimakonga ayizunqandeka njengamanje. Ungazilungiselela ngokuthi ufake isola endlini ezosebenza uma kuhamba ugesi. Lokhu ungakwenza ngamalambu esola ongawabeka engadini noma kudeshibhodi yemoto ukuze athole ilanga.

Izitofu ezisebenza ngegesi seziqala ukuba yintandokazi kwabanye abantu abakha amakhaya amasha kanye nalabo abalungisa amakhishi abo. Lezi zitofu zehlukanisiwe, kukhona ezinkulu nezincane zokupheka nezokukhempa. Kungaba kuhle ukuthi ube nesitofu esisebenzisa igesi. Ngokwenzenjalo ungakwazi ukupheka nokubalisa amanzi uma kuhambe ugesi.

Uma ugesi uhamba isikhathi eside, sebenzisa izigubhu zeziphuzo ezibandayo nezejusi ezingenalutho uzifake amanzi bese uzifaka esiqandisini esinamandla ukuze zibe ngamaqhwa. Lokhu kungasiza ngokuthi ubeke ukudla kwakho phezu kwalezi zigubhu ukugwema ukulahla ukudla osekona ke.

Abanye abantu bayesaba ukuhlala ngobumnyama ngenxa yobugebengu osebudlangile kulezi zinsuku. Thola amathoshi namalambu asebenzisa amabhethri ukhanyise umuzi wakho. La malambu namathoshi aphephile kakhulu kunamakhandlela. Yiwona asiza kakhulu abazivocavocayo bagijime ngokukhululeka ukugwema ukuhlangabezana nezingozi ezahlukahlukene nokugcwelezwa ebumnyameni. Angisaphathi-ke kulabo abashayisa ebusuku nabangena kusemnyama kakhulu emsebenzini nabo bayasizakala, bahamba bengesabi njengoba la malambu ekhanyisa kuthi bha.

Imiphakathi seyihlukumezeke kakhulu ngalesi simo sokucima kukagesi. Yenza imizamo yokuthi ithole amajeneretha azosebenza uma kuhambe ugesi. Lokhu kusiza ekukhanyiseni indlu yonke, iphinde ixhume nezinto ezingawudli kakhulu ugesi njengokukhanyisa iziqandisi nokudlala umabonakude.

Abanye abantu nosomabhizinisi abanezimoto abahlukani namashaja omakhalekhukhwini ezimotweni. Basebenzisa le ndlela ukwenza isiqiniseko sokuthi uma ucima ugesi bangahlukumezeki ngokuthi kunqamuke ukuxhumana nemindeni noma nezinkampani abazisebenzelayo nezibathumelela imikhiqizo.

Ngokwenkampani i-Eskom *Energy calculator* kufanele uthenge izinto ezingawudli ugesi. Ziyabiza kakhulu kodwa ziyasiza ekongeni ugesi. Ziphinde zibe namakhebula avikela ugesi ukuthi uma ubuya zingashi izinto ezisebenza ngogesi. Sekuvamile ukuthi kushe imizi kufe abantu bengazelele. Ayisaphathwa-ke eyokulahlekelwa izinto ezahlukene ezisebenza ngogesi uma zingakhishwanga emapulakini.

[Sithathwe ku-www.googlenews sahunyushwa kabusha]

AMAMAKI ESIQEPHU B: 10



ISIQEPHU C: IZAKHIWO NEZIMISO ZOKUSETSHENZISWA KOLIMI

UMBUZO 3: UKUHLAZIYA ISIKHANGISI

Fundisisa lesi sikhangisi (UMBHALO D) bese uphendula imibuzo ezolandela.

UMBHALO D (OFUNDWAYO NOBUKWAYO)

THOLA IMIKHIQIZO YOBISI ECONSISA AMATHE!

JUDI RESTAURANT
Shop No.27 Nagle Square Montclair Durban 4001
Cell No: 0844690073



**Yenziwe ngokhilimu,
i-vanilla kanye ne-
strawberry!**

**Hlala Ubanda qa umzimba
wonke.**

Iconsisa amathe!




- U-ice cream onambithekayo!
- Ama-milkshake anhlobonhlobo!
- U-pudding omnandi!



Qaphela: Uyakhuluphalisana uma uwudla ngokweqile!

[Sithathwe ku-www.bing.com sahunyushwa kabusha]

- 
- 3.1 Tomula ulimi olukhohlisayo olutholakala kulesi sikhangisi. (1)
- 3.2 Bala imikhiqizo EMIBILI etholakala kulesi sikhangisi. (2)
- 3.3 Chaza ngokusetshenziswa kwefonti eyahlukene kulesi sikhangisi? (3)
- 3.4 Ucabanga ukuthi isimo sokukhuluma esitholakala kulesi sikhangisi sisetshenziselweni? (2)
- 3.5 Ngokucabanga kwakho kungani kusetshenziswe isithombe sesithelo sama-strawberry kulesi sikhangisi? Sekela impendulo yakho. (2)
- [10]**



UMBUZO 4: UKUHUMUSHA IKHATHUNI

Bukisa UMBHALO E bese uphendula imibuzo elandelayo.

UMBHALO E (OFUNDWAYO NOBUKWAYO)

OWESILISA UMHLELI, OWESIFAZANE IGAMA LAKHE UNANA

SHUTHA NANA!

IFREYIMU-1



IFREYIMU-2



IFREYIMU-3



IFREYIMU-4



IFREYIMU-5



IFREYIMU-6



IFREYIMU-7



[Sithathwe ku-www.googlepics sahungyushwa]

- 4.1 Igama elidwetshelwe efreyimini yoku-1 lisetshenziselweni? (1)
- 4.2 Chaza kafushane umuzwa ovezwa yintombazane efreyimini yesi-2 neyesi-7 kule khathuni. (2)
- 4.3 Ucabanga ukuthi iyini inhloso yomdwebi wale khathuni ngesenzo sentombazane sokuthatha izithombe kube kusha umlilo? (2)
- 4.4 Khetha impendulo enembayo kulezi ezilandelayo:
- Shono ukuthi le khathuni ihleleke kanjani.
- A Inkinga nesixazululo
B Ukulandelana kwezehlakalo
C Ukuqhathanisa nokwehlukanisa
D Isisusa nempendulo (1)
- 4.5 Chaza ukuthi amazwi atholakala esibiyelweni esisefreyimini yesi-6 akwelekelele kanjani ekuqondeni le khathuni? (2)
- 4.6 Phawula ngoteku olwethulwa ngumdwebi efreyimini yesi-7 kule khathuni. (2)
- [10]**



UMBULO 5: IZAKHIWO NEZIMISO ZOKUSETSHENZISWA KOLIMI

Funda lesi siqeshana esingezansi bese uphendula imibuzo elandelayo.

UMBHALO F

UMNANDI WE BUTHONGO!

Umnandi buthongo ngoba awujulukisi muntu, awuxoxisi muntu futhi ungexabanise muntu. Yingakhoke kubalulekile ukuthi umuntu alale ngokwanele okungenani amahora ayisishiyagalombili ikakhulukazi uma esakhula. Akuve kubuhlungu ukuqwaswa kuze kuse gelekeqe ungazange ubuthi gothu. Umzimba ululeka uthi thwi kamnandi uma ukwazile ukulala uze ufise ukuthi ungabe usavuswa. Babo ungavuswa? Kuphi la? 5
Usuke uzodlani uma uhlalele ukuhuqa ubuthongo? IsiZulu sithi, 'Ayikho inkomo yobuthongo.'

Kuqaqamba inhliziyo uma sekunkeneneza i-alamu esuke icushwe nguwe. Inyonkolozwa ngelibi iso **leli**. I-alamu esuke isibelelela baze bayinxaphela abanye. Basuke benengwa ukuthi ibaphazamisa ebuthongweni babo obumnandi. Ngisho 10
nokuyizingane uma zivuswa ziya esikoleni, zikhala ubumayemaye zikhalela khona njalo ukuvuswa zisalele. Hhiya! Chizela ubuthongo lobo ubutshele buhambe bujubalale usayozisebenzela wena. **Phela siyeza isikhathi esibi esingeke savinjwa muntu lapho umuntu eyolala umphumulela wafuthi**; okuyobe kungubuthongo bokufa.

[Umbhalo wokuziqambela]

- 5.1 Nikeza igama elimqondophika laleli elibhalwe ngokugqamile emgqeni woku-1 bese ulisebenzise emshweni ozakhele wona. (2)
- 5.2 Lungisa igama elidwetshelwe emgqeni wesi-2 selikhombisa ubhalomagama olufanele. (1)
- 5.3 Phinda ubhale umusho odwetshelwe otholakala emgqeni wesi-4, usuqukethe umqondo wenkathi ezayo. (1)
- 5.4 Khetha impendulo eshaya emhlohlweni.
- Isakhi esidwetshelwe emgqeni wesi-6 sisetshenziselweni?
- Sisetshenziselwe ukuveza umqondo ...
- A wesiqalo sebizo
B wendlela esabizo
C wesimo sokukhuluma
D wesimo sokwenzekayo (1)
- 5.5 Chaza ukuthi isaga esisemgqeni wesi-6 kua kowe-7 sisetshenziselweni? (1)
- 5.6 Sebenzisa igama elibhalwe ngokugqamile elitholakala emgqeni wesi-9 emshweni ozakhele wona selikhomba buqamama. (2)

- 5.7 Emsweni omagatshagatsha obhalwe ngokugqamile, khipha imishwana emibili ekhonzile.

(2)
[10]

AMAMAKI ESIQEPHU C: 30
AMAMAKI ESEWONKE: 70





basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

ISIZULU ULIMI LWASEKHAYA (HL)

IPHEPHA LOKUQALA (P1)

UNHLABA/UNHLANGULANA 2024

UMHLAHLANDELA WOKUMAKA

AMAMAKI: 70

Lo mhlahlandlela wokumaka unamakhasi ayisi-9.



ISIQEPHU A: ISIVIVINYO SOKUQONDISISA

UMBUZO 1

INDLELA YOKUMAKA:

1. Ngenxa yokuthi sigxila emqondweni wempendulo; ukungabhaleki kahle kwamagama namaphutha olimi sikushaya indiva/asikunaki ngaphandle uma kuthinta umqondo wempendulo yonke. Amaphutha kumele omakayo awatshengise ngezimpawu ezisetshenziswayo uma kunamaphutha.
2. Uma umfundi esebenzise amagama angekho olimini ahlolwa ngalo lawo magama ngeke anakwe uma ngabe impendulo ayibhalile inomqondo ophelele. Uma kunegama elithathelwe kolunye ulimi embhalweni onikeziwe noma kudingeka ukuthi impendulo inike lona lokho kuyovumeleka.
3. Imibuzo edinga izimpendulo ezinjengo YEBO/CHA/ANGIVUMI/NGIYAVUMA azinikwa amamaki kodwa indlela umfundi asekela ngayo ethola amamaki.
4. Imibuzo edinga izimpendulo ezinjengo IQINISO/AKUSILO IQINISO/UMBONO/IQINISO azinikwa amamaki kodwa indlela umfundi asekela ngayo ethola amamaki.
5. Uma impendulo iyigama elilodwa kodwa umfundi abhale umusho wonke; umfundi uthola amamaki uma edwebele impendulo noma eyikhombise ngandlela thize.
6. Uma impendulo idinga amaphuzu amabili/amathathu kodwa umfundi wabhala angaphezulu kwalokho kumakwa amaphuzu amabili/amathathu okuqala okunye kungabe kusanakwa.
7. Umfundi uyanikwa amamaki uma esebenzise ulimi lwesigodi empendlweni yakhe.
8. Emibuzweni lapho umfundi ekhetha impendulo kwazinikiwe; uyawathola amamaki uma ebhale impendulo ephelele kanje:
A. UThoko/A (okuwuhlamvu oluphelele)

UMBUZO 1: UKUFUNDELA UKUQONDISISA

UMBHALO A (OFUNDWAYO)

- 1.1 Abantu abayi ngangxanye bengemanzi. ✓ (1)
- 1.2
- Kungamele uzivocavoce. ✓
 - Ukudla ukudla okunempilo. ✓
 - Ukugqoka izingubo ezifanela umzimba wakho. ✓
- [Okubili kwalokhu] (2)
- 1.3 Lezi zigaba zikhuluma ngezinto ezingefani, ukuzithanda nokungazithandi. ✓
Isigaba sesi-3 sikhuluma ngabantu abasebenzisa amazwi amabi, ukuhleba noma abathuka inhlamba ✓ kanti isigaba sesi-4 sikhuluma ngezinsizwa ezisebenzisa ulimi olukhethekile nolunobugagu uma zeshela izintombi. ✓ (3)
- 1.4 Abantu abathandanayo bangakhulumisana kahle, baphathane kahle futhi bangazikhulumi izindaba zabo kwabanye abantu ukukhombisa ukuzithanda. ✓✓ (2)
- 1.5 C/idlabha. ✓ (1)
- 1.6 Umbhali uhlose ukweluleka ngezinto ezinhle ezidalwa ukuzithanda. Uthi umuntu ozithandayo uqala ngaye uqobo kepha ohlulekayo ukuzinakekela wenza izinto ezimbi kwabanye abantu njengokuthi abathuke. Uxwayisa nangokusebenzisa amagama ayinhlamba ukuthi akufanele. Ubuye aluleke abantu ngokuthi ukuzicwala ube muhle akuyona yodwa indlela okhombisa ngayo ukuthi uyazithanda. ✓✓✓ (3)
(Nezinye izimpendulo ezinembayo ziyokwamukeleka)
- 1.7 Umuntu oyisoka angabonakala uma eshela intombi asebenzise ulimi olukhethekile aphinde akhulumisane kahle nalowo ameshelayo. ✓✓ (2)
(Nezinye izimpendulo ezinembayo ziyokwamukeleka)
- 1.8 Bangakwenza ukuthi ugcine usuzibandakanya ezenzweni zobugebengu ezingagcina zikufake ejele/Ungagcina usuyeke nesikole ungahloniphi nabazali. ✓✓ (2)
(Nezinye izimpendulo ezinembayo ziyokwamukeleka)
- 1.9 Umbhali uqonde ukuthi umuntu othanda ukuzihlalela yedwa usuke ekhombisa ukuzithanda ngoba efuna ukwenza izinto azithandayo kungekho omphazamisayo. ✓✓ (2)
- 1.10 Umbhali uyiphethe kahle indaba yakhe ngoba lesi simo sokukhuluma sisetshenziselwe ukuveza ukuthi kubalulekile ukuthi abantu bahloniphane kungakhathalekile ukuthi amazinga abo ngokokukhula noma ngokokuphumelela, anjani. ✓✓ (2)

UMBHALO B (OBUKWAYO)

- 1.11 Okwenzeka esithombeni soku-1 kunomuntu wesilisa ogqoke kahle, ugaxe ingubo/isikhafu, abanye ababuyamama bayaqhubeka nokuzihambela. ✓✓ (2)
- 1.12 Esithombeni sesi-2 owesifazane ugqoke kahle, uphuza itiye, uphethe isoso ukuze angazitheli ngoba ezithanda ✓ kanti esithombeni sesi-3 owesilisa obukeka engagqokile kahle nangokuphelele uyasizwa ngokuphuziswa amanzi. ✓ (2)
- 1.13 Yomibili le mibhalo iyefana ngoba ikhuluma ngokusiza umphakathi. Embhalweni A kunengxenywe ekhuluma ngabangani abenza izinto ezinhle njengokusiza emphakathini. ✓✓ Embhalweni B kunowesifazane onikeza owesilisa ohlezi phansi odinga usizo oluthile. ✓✓ (4)
- 1.14 Samukelekile isenzo esenziwa yilona wesifazane ngoba ukhombisa ukuba nothando ngoba usiza lo muntu wesilisa okubonakala edinga usizo kulesi sithombe sesi-4 futhi kungenye yendlela ekhombisa ukuzithanda nokungafuni ukubona abanye abantu behlupheka. ✓✓

NOMA

Asamukelekile isenzo esenziwa owesifazane esithombeni sesi-4 ngoba ukusiza abantu ohlangana nabo emigwaqeni ongazi ukuthi kungani belapho. Kungagqugquzela ukuba abantu babe yizinxibi, bangafuni ukuba basebenzise izikhwepha zabo. ✓✓

(2)
[30]

AMAMAKI ESIQEPHU A: 30



ISIQEPHU B: UKUFINGQA

UMBULO 2: UKUFINGQA ISIQESHANA NGAMAGAMA AKHO

UMBHALO C

Amaphuzu acashuniwe		Amaphuzu owabeke ngamagama akho	
1	Ungazilungiselela ngokuthi ufake isola endlini ezosebenza uma kuhamba ugesi.	1	Zithengele isola ekhaya lakho ezosebenza uma kucisha ugesi.
2	Kungaba kuhle ukuthi ube nesitofu esisebenzisa igesi.	2	Kungakusiza ukuthi uzitholele isitofu esisebenzisa igesi kuphela.
3	Ungasebenzisa izigubhu zeziphuzo ezibandayo nezejusi ezingena lutho uzifake amanzi bese uzifaka esiqandisini esinamandla ukuze zibe ngamaqhwa .	3	Faka amanzi ezigujini eziningi ukuze ube namaqhwa okugcina ukudla kwakho kuvikelekile ekuboleni futhi kusesimeni esifanele.
4	Thola amathoshi namalambu asebenzisa amabhethri ukukhanyisa umuzi wakho.	4	Thenga izibani ezahlukeni ezisebenza ngamabhethri ukuze ikhaya lakho lihlale likhanya.
5	Yenza imizamo yokuthi uthole amajeneretha azosebenza uma kuhambe ugesi.	5	Yiba nejeneretha ezokwelekelela uma kwenzeka kuhamba ugesi ungalindele.
6	Abanye abantu nosomabhizinisi abanezimoto abahlukani namashaja omakhalekhukhwini ezimotweni.	6	Qinisekisa ukuthi emotweni ohamba ngayo kuhlala kukhona okukwelekelela ngokuthi umakhalekhukhwini wakho ungaphelelwa amandla okungawenza ugcine usucishile.
7	Ngokwenkampani i-Eskom Energy calculator kufanele uthenge izinto ezingawudli ugesi.	7	U-Eskom weluleka ngokuthengwa kwezinto ezingawusebenzisi kakhulu ugesi.

Zithengele isola ekhaya lakho ezosebenza uma kucisha ugesi. Kungakusiza ukuthi uzitholele isitofu esisebenzisa igesi kuphela. Faka amanzi ezigujini eziningi ukuze ube namaqhwa okugcina ukudla kwakho kuvikelekile ekuboleni kusesimeni esifanele. Thenga izibani ezahlukeni ezisebenza ngamabhethri ukuze ikhaya lakho lihlale likhanya. Yiba nejeneretha ezokwelekelela uma kwenzeka kuhamba ugesi ungalindele. Qinisekisa ukuthi emotweni ohamba ngayo kuhlala kukhona okukwelekelela ngokuthi umakhalekhukhwini wakho ungaphelelwa amandla okungawenza ugcine usucishile. U-Eskom weluleka ngokuthengwa kwezinto ezingawusebenzisi kakhulu ugesi.

[Inani lamagama: 70]

Indlela yokumaka ukufingqa

Ukumaka lo mbuzo kweyame ekusebenziseni amaphuzu anembayo nahambisana nomyalelo.

- **Ukwabiwa kwamamaki:**
 - Amamaki ayisi-7 awamaphuzu ayisi-7 (imaki elilodwa lihambisana nephuzu elilodwa).
 - Amamaki ama-3 awolimi.
 - Amamaki esewonke: 10.
- **Ukucozululwa kwamamaki olimi uma abahlolwayo besebenzise amagama abo:**
 - 1–3 amaphuzu anembayo: nikeza imaki eli-1 olimini.
 - 4–5 amaphuzu anembayo: nikeza amamaki ama-2 olimini.
 - 6–7 amaphuzu anembayo: nikeza amamaki ama-3 olimini.
- **Ukucozululwa kwamamaki olimi uma ohlolwayo engacaphunanga njengoba kunjalo:**
 - 6–7 acashuniwe, awekho amamaki olimi.
 - 1–5 acashuniwe, nikeza imaki elilodwa lolimi.
- **Ukubalwa kwamagama:**
 - Abamakayo kumele baqinisekise inani lamagama asetshenzisiwe.
 - Alikho imaki okumele liphucwe ohlolwayo ngokuhluleka ukuveza inani lamagama awasebenzisile noma ukuveza inani okungesilo lamagama awasebenzisile.
 - Uma ohlolwayo eqile enanini lamagama amiselwe (70), kumele kufundwe amagama kuze kufike ekugcineni kwalowo musho ege ngawo.

AMAMAKI ESIQEPHU B: 10



ISIQEPHU C: IZAKHIWO NEZIMISO ZOKUSETSHENZISWA KOLIMI

INDLELA YOKUMAKA:

- Isipelingi:
 - Impendulo eyigama elilodwa mayinikezwe iphuzu noma ngabe isipelingi sinamaphutha, ngaphandle uma lelo phutha liguqula umqondo wempendulo.
 - Uma impendulo idinga umusho ophelele, umfundi akanikwa imaki uma impendulo yakhe inamaphutha kwizakhiwo zolimi okubuzwe ngalo.
 - Lapho kubuzwe khona isifinyezo, impendulo mayibe nezimpawu zokuloba ezifanelekile.
Isib: Umnumzane – Mnu.
- Izakhiwo zemisho mazibhalwe ngokufanelekile kulandelwa uhlelo nezakhiwo zolimi futhi zibhalwe zibe imisho ephelele/ngokomyalelo onikeziwe.
- Emibuzweni lapho umfundi ekhetha impendulo kwazinikiwe; uyawathola amamaki uma ebhale impendulo ewuhlamvu noma ephelele kanje:
C/Imizuzwana engama-60 (okuwuhlamvu oluphelele)



UMBUZO 3: UKUHLAZIYA ISIKHANGISI

- 3.1 Hlala ubanda qa umzimba wonke. ✓ (1)
- 3.2 U-ice cream✓, ama-milkshake✓ nepudding. ✓
[Okubili kwalokhu] (2)
- 3.3 Kusetshenziswe ifonti enkulu ukuheha abathengi abathanda ukudla imikhiqizo yobisi ekhangiswayo.✓ Kwasetshenziswe ifonti ephakathi nendawo ukunikeza imininingwane yekheli nenombolo yocingo ongayisebenzisa ukuthola khona le mikhiqizo.✓ Kubuye kwasetshenziswa ifonti encane ukwenzela ukufihla izithako ezisetshenzisiwe kulabo abangaqhudelana naye kulolu hlobo lwemikhiqizo ingozi engenzeka uma udla kakhulu u-ice cream/ ukufihla okwenziwa u-ice cream emzimbeni uma uwudla kakhulu. ✓ (3)
- 3.4 Sisetshenziselwe ukugqamisa indlela enambitheka ngayo/emnandi ngayo le mikhiqizo yobisi ekhangiswayo.✓✓ (2)
- 3.5 Kusetshenziswe isithombe sesithelo sama-strawberry ukugqamisa ukuthi lo mkhiqizo ka-ice cream okhangiswayo wenziwe ngama-strawberry. ✓✓ (2)
- [10]

UMBUZO 4: UKUHUMUSHA KWEKHATHUNI

- 4.1 Igama u- 'cwaka' lisetshenziselwe ukucacisa/ukukhanyisa indlela okwakuthule ngayo.✓ (1)
- 4.2 Efreyimini yesi-2 ikhombisa umuzwa wokwethuka/wokumangala✓ ngenxa yomsindo ewuzwa ngaphandle kanti efreyimini yesi-7 ikhombisa umuzwa wokujabula nowokudangala nokujabha ngenkathi isinikeza uMhleli izithombe ngoba ibicabanga ukuthi isizothola imali. ✓ (2)
- 4.3 Umdwebi uhlose ukusifundisa/ukusikhombisa/ukusiqaphelisa ukuthi esikhathini samanje abantu abasenabo ubuntu.✓ Intombazane ithwebula izithombe ngenhloso yokuzenzela imali kunokuthi ishayele abezimo eziphuthumayo ukuze bazonikeza usizo. ✓
(Nezinye izimpendulo ezinembayo) (2)
- 4.4 B/Ukulandelana kwezehlakalo. ✓ (1)
- 4.5 Ngicabanga ukuthi la mazwi akhulunywa uNana asefreyimini yesi-6 aveza ukuthi kwesinye isikhathi abacosheli bezindaba abazitholeli ulwazi kodwa kunamalunga omphakathi abasizayo ngalokho okusuke kwenzeka emphakathini.✓✓ (2)
- 4.6 Umdwebi wale khathuni uphumelele kahle ukwedlulisa uteku ngoba uNana ubethi uthatha izithombe zomilo ovuthayo ngenhloso yokuzenzela imali kodwa wenza iphutha wabhekisa ikhamera ebusweni bakhe.✓ Ngakho-ke umdwebi uxwayisa abantu ukuthi uma bethwebula izithombe ngenhloso yokuzenzela imali bengahlosile ukusiza bangazithola sebefana noNana okule khathuni.✓ (2)
- [10]

UMBUZO 5: IZAKHIWO NEZIMISO ZOKUSETSHENZISWA KOLIMI

- 5.1 Umubi ✓
Umubi we muntu othanda izindaba. ✓
(Neminye imisho enembayo iyokwamukeleka) (2)
- 5.2 Yingakho-ke ✓ (1)
- 5.3 Umzimba uzoluleka/uyoluleka uthi thwi kamnandi. ✓ (1)
- 5.4 B/indlela esabizo ✓ (1)
- 5.5 Sizetshenziselwe ukugqugquzela ukuba abantu bakhuthale bangaphiki nobuthongo ngoba bethi bumnandi/ ukuxwayisa ukuthi uma ulibele ubuthongo ngeke uphumelele empilweni. ✓ (1)
- 5.6 Mina ngifuna lelo bhayisikili. ✓✓
(Neminye imisho enembayo iyokwamukelwa) (2)
- 5.7
- Esibi esingeke savinjwa muntu. (umushwana okhonzile ochazayo.) ✓
 - Lapho umuntu eyolala umphumulela wafuthi. (umushwana okhonzile okhanyisayo.) ✓
- (2)
[10]

AMAMAKI ESIQEPHU C: 30
AMAMAKI ESEWONKE: 70

